

六

原文素問病机气宜保命集卷中



中風論第十

論曰。經云風者百病之始。善行而數變。行者動也。風本生于熱。以熱為本。以風為標。凡言風者熱也。叔和云。熱則生風。冷生氣。是以熱則風動。宜以靜勝其燥。是養血也。治須少汗。亦宜少下。多汗則虛其衛。多下則損其榮。汗下各得其宜。然後宜治在經。雖有汗下之戒。而其中藏中腑之說。中府者宜汗之。中藏者宜下之。此雖合汗下。亦不可過也。仲景曰。汗多則亡陽。下多則亡陰。亡陽則損其氣。亡陰則損其形。經曰。氣血者人之神。不可不謹養也。初則表裏不和。須下汗之。表裏已和。是宜治之在經也。其中府者。面加五色。有表症。脈浮而惡風。惡寒拘急不仁。或中身之後。或中身之前。或中身之側。皆中府也。其治多易。中藏者唇吻不收。舌不轉。而尖音。鼻不聞香臭。耳聾而眼瞤。大小便秘結。皆曰中藏也。其治多難。經曰。六府不和。流結為癰。五藏不和。九竅不通。若外無留結。內無不通。必知在經矣。初症既定。宜以大藥養之。當順時令。而調陰陽。安藏府。而和榮衛。察病機。審氣宜。而少有不愈者。若風中府者。先以加減續命湯。隨症發其表。若忽中藏者。則大便多秘澀。宜服三化湯。通其滯。表裏症已定。別無他變。故以大藥和治之。大抵中府者。多着四肢中藏者。多滯九竅。雖中府者。多兼中藏之症。至于舌強失音。久服大藥。能自愈也。有中風濕者。夏月多有之。其證身重如山。不能轉側。宜服除濕去熱之藥。治之不可用針。可用灸。今具六經續命湯。方小續命湯。通治八風五痺。痿厥等病。以一歲為總。以六經為別。春夏加石膏。知母。黃芩。秋冬加桂。附。芍藥。又於六經別藥。隨症細分。加減。自古名醫。不能越此。

凡覺中風。必先審六經之候。慎勿用大熱藥。為附之類。故陽剽剛勝。積燎原為消狂。瘡腫之屬。則天癸竭而榮涸。是以中風有此誠。故經所謂邪風之至。疾如風雨。易曰。撓萬物者莫疾乎風。若感之淺者。留于肌膚。感之深者。達於骨髓。蓋禍患之機。藏于細微。非常人之豫見。及其至也。雖智者不能善其後。是以聖人之教下。皆謂之虛邪。賊風避之有時。故中風者。俱有先見之症。凡人如覺大。拇。指及次。指。麻木不仁。或手足不用。或肌肉蠕動者。三年內必有大風之至。經曰。肌肉蠕動。命曰微風。宜先服八風散。愈風湯。天麻丸。各一料為效。故手大。指。次。指。手太陰。陽明。經風多。

